



Vaksdal Næringssselskap AS

Vaksdal kommune v/Formannskapet

Dale 18.05.20

Vaksdal Næringssselskap AS

Notat – Stanghelle-konferansen – Vaksdal Formannskap

I halvanna år har Vaksdal Næringssselskap AS jobba med å få til ein konferanse, Stanghelle-konferansen, med Harald Stanghelle. Harald er best kjent gjennom si rolle som redaktør i Aftenposten, leiar av Redaktørforeningen og som mediekomentator. No har han roa litt ned, men er leiar av Arendal-konferansen, er kommentator i Aftenposten og har eige radioprogram i NRK. Arendal-konferansen er det største årlege politiske arrangementet i Noreg. Harald har kompetanse til å setja dagsorden i form av journalistisk arbeid og konferansar. Det at Arendal-konferansen er avlyst i år gjev Harald litt betre tid. Han er klar for å støtta opp om heimkommunen sin med å vera vert for Stanghelle-konferansen. Grunna koronaen har dette dratt ut i tid. Skal me gjere dette må me få det realisert no.

Behovet for å setja dagsorden

Vaksdal Næringssselskap AS erkjenner at ny veg og bane er det viktigaste tiltaket for framtidig næring- og folketalsutvikling i Vaksdal kommune, men me er avhengig av politiske vedtak i Stortinget. Bu- og arbeidsattraktiviteten kommunen vil få med K5 og kortare reisetid til Bergen vil vera avgjerande. Planlegging av ny veg og bane held fram, og byggestart kan vera klar til 2022. Sidan Vaksdal Næringssselskap AS er initiativtakar er det òg ynskjeleg at næringsutvikling er eitt av emna under konferansen.

Politiske situasjon

12. mai kom det politiske vedtaket me er avhengig av å ha for å koma i fyrste del av Nasjonal transportplan, 2022-2026. Vert dette skyvd på i Stortinget juni neste år, då Nasjonal transportplan vert handsama, er det ikkje godt å vite når byggestart for K5 tar til. Eller om det vert K5 og felles utbygging veg og jernbane i det heile. Det er spesielt jernbanedelen av prosjektet som står i fare. Byrådet i Bergen har òg støtta K5 gjennom si fråsegn til Samferdsledepartementet. No omhandlar det finansiering av Stanghelle-Arna, der mesteparten av strekninga går gjennom Vaksdal kommune, noko som gjer oss eit ansvar for å få realisert politisk vedtak i Nasjonal transportplan. Me må gjere det me kan for at vedtaket i Stortinget neste år vert til vår fordel. Me har inga tid å miste og må pressa på med alt me har.

Konsept – Stanghelle-konferansen

Konferansen var tiltenkt å vera på Dale og bli ein tradisjon. Me må kanskje tenkja annleis no når me ser dei utfordringane me står overfor, og har eit tydleg mål. Det viktigast me kan gjere er å få med gode alliansar som går i takt med størst mogleg politisk kraft, og ikkje kvar konferansen vert halde. På kommunenivå er det naturleg å samarbeide med dei kommunane K5 går gjennom, Bergen og Voss. Samstundes vil Osterøy òg ha utbytte av utviklinga. No har me Vestland fylkesting i ryggen, og dei må òg vera med å stå på for prosjektet Arna-Stanghelle. Forum nye Bergensbanen,



Vaksdal Næringssselskap AS

Stamvegutvalet, Vossaløysinga AS, NAF Bergen og omland, Lastebileierforbundet, Bergen Næringsråd og Transportarbeiderforeningen Vestland er aktørar som òg truleg vil vera med på dette. Målsetjinga om å ha denne konferansen på Dale kan koma seinare, men dette kan vera med å bygga opp merkevara Stanghelle-konferansen som bør omhandle næringsutvikling.

Finansiering

Vaksdal Næringssselskap AS har fått kr 100 000,- av Sparebanken Vest til dette prosjektet, og satt av kr 50 000,- på budsjettet for 2019. Får me med oss nemnde aktørar som med-arrangørar vil det vera naturleg at det kjem med ein inngangsbillett, og at ein slik vil kunne ha nok midlar til å arrangere konferansen i t.d. Grieghallen eventuelt Hotell Terminus.

Veg vidare

Skal konferansen arrangerast sein-hausten 2020 må det sendast invitasjonar til seminar-innleiarar, lagast heimeside med grafisk profil og koma «i salg» så snart som råd.

Samrøystes vedtak: Styret i VNS sender over notatet til formannskapet i Vaksdal kommune og:

- 1. Ber om at Formannskapet seier ja til Stanghelle-konferansen**
- 2. Sett ned ei raskt arbeidande nemnd som har politisk mandat til å kontakte potensielle med-arrangørar og utarbeider program.**